


२७
६७
सप्तपुर महाविहार

व .

आर्यश्रीवसुन्धरादेवीया परिचय



अन्वेषक

हेराकाजी वज्राचार्य



मणिकुल विहार

त्रिरत्न विहार



वसुन्धरा व्रत-पूजाया लसताय् पिथना

सप्तपुर महाविहार व आर्यश्रीवसुन्धरादेवीया परिचय

अन्वेषक :

हेराकाजी वज्राचार्य

प्रकाशक :

वसुन्धरा पूजा मूल समिति

सप्तपुर महाविहार

चिकंबही, च्यासःत्वाः, यल ।

प्रकाशक :
वसुन्धरा पूजा मूल समिति
सप्तपुर महाविहार
चिकंबही, च्यासःत्वाः, यल ।

ढ्यापा सुत्ति :
५०० गू

पिथना ढूँ :
बुद्ध सम्बत् २५४६
नेपाल सम्बत् १९२२ अँलागा तृतीया, गातिला
(२०५९ आश्विन ८ गते मंगलवार)

सर्वाधिकार :
अन्वेषकयाके सुरक्षित

देवः किपा :
आर्यश्रीवसुन्धरादेवी सहित सप्तपुर महाविहारया मू देगः

थाकू :
बागमति छापाखाना, गाःबाहाः, वनबाहाः, फोन ल्याः ५३३८४७

धलः पौ

विषय	पौ ल्याः
१) बुद्ध वन्दना	-
२) शुभकामना सन्देश	-
३) पिकाःपाखें	क
४) भूमिका	ग
५) सप्तपुर महाविहारया परिचय	
(क) सप्तपुर महाविहार-चिकबहीया वर्तमान स्वरूप	१
(ख) ऐतिहासिक पृष्ठभूमि	५
(ग) सप्तपुर महाविहार संघ व कर्तव्य	८
(घ) रितिथिति गुथि	९
(ङ) विशेषता	९
(च) कचाबही	१०
६) आर्यश्रीवसुन्धरानामधारणीस्तोत्रम्	११
७) आर्यश्रीवसुन्धरादेवीया परिचय	
(क) वसुन्धराया शब्दार्थ व प्रतीकात्मक स्वरूप	१३
(ख) वसुन्धरादेवीया ध्यान व अर्थ विशुद्धि	१४
(ग) वसुन्धरा व्रत-गातिला धलं व थ्वया दिं	१८
(घ) यलय वसुन्धरा पूजा व थुकिया परम्परा	१९
(ङ) वसुन्धरा पूजाया स्थाननाम धलः	२१
८) वसुन्धरा पूजा मूल समिति	२३
९) सन्दर्भ ग्रन्थ-सूची	२५

सप्तपुर महाविहार सुधार समिति

चिकंबही, च्यासःत्वाः, यल

शुभ-कामना

सप्तपुर महाविहार, चिकंबही पाखें इलय् ब्यलय् थी थी ज्याभवःत यानावयाच्चंगु सकसिनं स्यूगु हे खं खः ।

ध्व हे सिलसिलाय् यलय् दयदसं न्याय्का वयाच्चंगु, अन्न, रत्न व धन परिपूर्ण याना बिज्याईम्ह श्री वसुन्धरादेवीया व्रत व नगर परिक्रमा थुगु दय् सप्तपुर महाविहार चिकंबहीया ग्वसालय् न्याय्के दुगु तसकं हे लय्ताया खं खः । थुगु व्रत व नगर परिक्रमाय् सकल त्वाःया दाजु, किजा, तता, केहेपिसं ग्वहालि याना ज्याभवः भः भः धाय्का बिज्याई/दिई धैगु भलसा कया ।

नापं थुगु हे उपलक्षय् थुगु बहीया परिचय सहित वसुन्धरादेवीया महिमायात कया “सप्तपुर महाविहार व आर्यश्रीवसुन्धरादेवीया परिचय” नामक सफू छगू प्रकाशित जुइगुलिं भन ज्याभवः भः भः धाईगु भलसा कया । थुगु सफू प्रकाशन सुथां लाक्क पिब्वय् फय्माः नापं वसुन्धरादेवी सकल प्राणीपित उदार याय्माः धका कामना याना । सुभाय् ।

लेखराज वैद्य

थपाः आजु लेखराज वैद्य
सप्तपुर महाविहार

ललितराज वैद्य

आजु ललितराज वैद्य
नायो
सप्तपुर महाविहार सुधार समिति

तिथि : ने. सं. ११२२ अलाख एकादशी मंगलवाः ।

बुद्ध वन्दना

सर्वबुद्धं नमस्यामि धर्मं च जिनभाषितं ।

संघं च शील सम्पन्नं रत्नत्रयं नमाम्यहं ॥

रत्नत्रयं मे शरणं सर्वप्रतिदिशाम्यघं ।

अनुमोदे जगत्पुण्यं बुद्धबोधौ दधे मनः ॥

आबोधौ शरणंयामि बुद्धधर्म गणोत्तमं ।

बोधौचित्त करोम्येषं स्वपरार्थ प्रसिद्धये ॥

पिका:पाखें

ऐतिहासिक कालनिसें लोकप्रिय जुइक विभिन्न बौद्ध संस्कृतिं जायाचवंगु, यलया च्यास:त्वा:लय् ला:गु सप्तपुर महाविहारया थ:गु हे इतिहास दु । यलया नीप्यंगू बही मध्ये दक्कसिबे त:धंगु थ्व बही ख: । थाय् तक्कूगु जक मखयानं थ्व बहीयात न्ह्याबले थ्वया प्यखेंर चाहिकात:गु त्वा: त्वालं ग्वहालि बिया ज्याभव: न्हाकावयाचवंगु खँ वि. सं. २०२६ सालं बु. सं. २५९३ या लसताय् यलया सम्यक्च: थ्यंक बिज्याका: बुद्धजयन्तीया पा: फया: हनागुलिं क्यनाचवंगु दु ।

थौ वया अन्न, रत्न, धन आदि परिपूर्ण यानाबिज्याइम्ह श्रीवसुन्धरादेवीया व्रत व पूजा नं त:जिक न्यायकेत थ्व हे त्वा:या दाजु किजापिसं ग्वहालि यानाचवना बिज्या:गु/दीगु दु । नापं वसुन्धरा पूजाया लसताय् सकलसिगु ग्वहालिं हे थ्व “सप्तपुर महाविहार व आर्यश्रीवसुन्धरादेवीया परिचय” नामक सफू पिकाये फत । गुकीया श्रेय ला थ्व सप्तपुर महाविहार वसुन्धरा पूजा मूल समितियात ला:वनी ।

बुद्धधर्मया: क्षेत्रय् विशिष्ट योगदान यानाचवनाबिज्या:म्ह श्रीहेराकाजी वज्राचार्यजुया च्वसां पिज्व:गु सप्तपुर महाविहार व आर्यश्रीवसुन्धरादेवीया परिचय विषयय् दुग्यंगु अनुसन्धानात्मक च्वसूया स्तर गुलिग्यं धैगु खँ वसपोलया न्हापा न्हापा पिदने धुंकूगु सफू, च्वसु स्वयंबले नं बाँलाक सी दु ।

थज्या:गु ग्यसु ग्यंगु सफू पिकाय् दया: जिपिं सप्तपुर महाविहार वसुन्धरा पूजा मूल समिति व सप्तपुर महाविहारया सकल परिवार तसकं लय्ता:गु दु । थुकीया लागी वसपोलप्रति आभार व्यक्त यानागु जुल । थज्या:गु च्वसु वसपोलपाखें लिपा लिपा नं पिदना च्वनेमा धैगु मनंतुसे थ्व प्राज्ञिक कृति जिमित पिथनेगु ह्व:ता: चूलाकाब्यूगुलिं वसपोलयात सुभाय् देछाया च्वना ।

अन्तय थःगु व्यस्त ईयात न वास्ता मयाःसे, छफुति हे अल्छी मचाःसे चां न्हि
 यानाः थ्व सफू पिकाय्गु ग्वहालि याना बिज्याःम्ह श्रीहेराकाजी वज्राचार्यजुयात
 दुनुगलनिसें हानं छकः सुभाय् बियाच्चना । थ्व विहारया विषययात कयाः विभिन्न खं
 कनाबिज्याःपिं श्रद्धेय आजुपिं प्रति कृतज्ञता ज्ञापन यानाच्चना । अथे हे माःगु ग्वहालि
 यानाबिज्याःपिं/दीपिं सकल दाजु किजापिन्त न दुनुगलनिसें सुभाय् देछानाच्चना ।

ने. सं. १९२२ जेलाथ्व ११, सोमवार

वि. सं. २०५९ भाद्र ३१

ई. सं. २००२ सेप्टेम्बर १६

सिद्धिबहादुर शाक्य

अध्यक्ष

वसुन्धरा पूजा मूल समिति

सप्तपुर महाविहार

चिकंबही, च्यासःत्वाः, यल ।

भूमिका

बुद्धधर्मया महान् प्रचारक एव सरक्षक तथा बुद्ध शासनय् दकले आपा विहार निर्माताया श्रेय दुम्ह भारतवर्षया सम्राट् अशोकया राज्यकालय् यल नगरय् प्यंगू दिशाय् प्यंगः स्तूपया निर्माण जूवगु खः । थनया थ्वहे प्यंग अशोकस्तूपयात आपाः महत्त्व बियाः, थुकीयात हे मूल केन्द्र नालाः, थ्वया दुने जक आपा ल्याखय् महाविहार (बाहाः), मध्यमक विहार (बही), सामान्य विहारादि स्थापना जूवगु जुल ।

धार्मिक व सास्कृतिक दृष्टिकोण न महत्त्वपूर्णगु ऐतिहासिक यल नगर, नेपालमण्डलया स्वगू प्रमुख नगर मध्यय् आपाः ल्याखय् बौद्ध विहार निर्माण जुयाच्चगु नगरया रूपय् न प्रसिद्ध जुयाच्चगु दु ।

थन नीस्वनातःगु आपाल विहारते मध्यय् न मूल बौद्ध विहारया ल्याखय् भिन्याबाहाः व भिखुबहीयात नालावयाच्चगु दु । लिपा थनया भिन्याबाहा या दुने चोबाहाः, कीपूबाहाः व सिबाहाः स्वगू मू बाहाःया रूपय् दुथ्यावनाः मू बाहा या ल्या भिंच्याबाहाः जूवगु जुल । अथे हे थनया भिखुबहीया दुने न लिपा कीपूबही, ब्रुगबही व वाबही यानाः स्वबही मू बहीया ल्याखय् दुथ्यावनाः मू बहीया ल्याः भिगुबही जूवगु जुल । हानं, थ्वहे भिगुबहीया दुने न छगूया निगू-स्वगू बहीया रूप कावगु जुया थुकीया ल्याः नीप्यबही जूवगु जुल । थनया थ्वहे नीप्यबही दुने न लिपा पूच्च थथूबही, किनुबही, तःधंगु ख्वाय्बही, चीधंगु ख्वाय्बही, इलाय्बही, थपाबही यानाः मुक्क खुबहीया बहीसंघ न्हनावगु जुल । थथे संघ न्हनावगु बही विहारय् थौकन्हय् उगु बही विहार नाप सम्बन्ध दूगु बाहाः बहीया संघपिस सरक्षण यायेगु ज्या जुयाच्चगु जुल ।

महाविहार (बाहाः) व मध्यमक विहार (बही) याना निथी कथ नालावयाच्चगु थनया प्रत्येक बौद्ध विहारयात संस्कृत व स्थानीय यानाः निगू नाम म्हासिकावयाच्चगु दु ।

यलया भिञ्च्यागू महाविहार-बाहाःया क्रमानुसारया नां :-

- | | |
|---------------------------|-----------------|
| १। जेष्ठवर्ण महाविहार | - तंगःबाहाः । |
| २। धर्मकीर्ति महाविहार | - तःबाहाः । |
| ३। हिरण्यवर्ण महाविहार | - क्वाःबाहाः । |
| ४। रत्नाकर महाविहार | - हःखबाहाः । |
| ५। यशोधर महाविहार | - बूबाहाः । |
| ६। दत्तनाम महाविहार | - दौबाहाः । |
| ७। गुणलक्ष्मी महाविहार | - धुम्बाहाः । |
| ८। चक्रवर्ण महाविहार | - चुकबाहाः । |
| ९। वज्रकीर्ति महाविहार | - वंबाहाः । |
| १०। ज्योतिर्वर्ण महाविहार | - ज्योबाहाः । |
| ११। वैशवर्ण महाविहार | - गुजिबाहाः । |
| १२। मयूरवर्ण महाविहार | - भिन्छेबाहाः । |
| १३। रूद्रवर्ण महाविहार | - ओकुबाहाः । |
| १४। जयमनोहर महाविहार | - सौबाहाः । |
| १५। बलाधरगुप्त महाविहार | - यछुबाहाः । |
| १६। कच्छपालगिरी महाविहार | - चांबाहाः । |
| १७। जगतपाल महाविहार | - क्यपुबाहाः । |
| १८। श्रीवच्छ महाविहार | - सिबाहाः । |

यलया नीप्यंगू मध्यमक विहार-बहीया नां :-

- | | |
|------------------------|------------------|
| १। यम्पि महाविहार | - ईबही । |
| २। ललितवर्ण महाविहार | - कोन्तीबही । |
| ३। इखाछें बही : | |
| क। नापिचन्द्र महाविहार | - दुन्तुबही । |
| ख। गोपिचन्द्र महाविहार | - पित्तुबही । |
| ४। पूचबही : | |
| क। अक्षयेश्वर महाविहार | - पूच थथूबही । |
| ख। रक्षयेश्वर महाविहार | - पूच क्वथूबही । |

- ५। लोकाकीर्ति महाविहार - नःबही ।
 ६। मणिमण्डप महाविहार - धवगाबही ।
 ७। सप्तपुर महाविहार - चिकबही ।
 ८। जेष्ठवर्ण महाविहार - ज्याबाहाःबही ।
 ९। राजश्री महाविहार - ईबाहाःबही ।
 १०। चन्द्रसूर्य महाविहार - न्हाय्कबही ।
 ११। गुडतःबही :
 क। गुस्तल महाविहार - मू गुडतःबही ।
 ख। प्रथमश्री महाविहार - तःधगु गुडतःबही ।
 ग। वसुच्चशील महाविहार - चीधगु गुडतःबही ।
 १२। जयश्री महाविहार - उबाहाःबही ।
 १३। लोककीर्ति महाविहार - किनुबही ।
 १४। ख्वाय्बही :
 क। कामुकनाम महाविहार - तःधगु ख्वाय्बही ।
 ख। कामुकनाम महाविहार - चीधगु ख्वाय्बही ।
 १५। इतिराज महाविहार - इलाय्बही ।
 १६। स्थविरपात्र महाविहार - थपाःबही ।
 १७। पद्मकीर्तिगिरी महाविहार - क्यपूबही ।
 १८। अमरावतिपुर महाविहार - बुंगबही ।
 १९। जनकल्याण महाविहार - बाबही ।

चव्य् न्ह्यथनागु बौद्धविहार मध्यय् सप्तपुर महाविहार-चिकबही छगू न मू बहीया ल्याखय् दुथ्यानाचवगु जुल । बही विहारया मौलिक परम्परा व वास्तुकला दुथ्यानाचवगु थुगु बहीपाखें यलय् दैय्दसं न्ह्यानावयाचवगु वसुन्धरा पूजायागु थुगुसीया पाः फयाः वसुन्धराव्रत व पूजाया ज्या न्ह्यायेत्यगु दु । थुगु ज्या न्ह्याकावनेत वसुन्धरा पूजा मूल समिति, सप्तपुर महाविहार-चिकबही, च्यासःत्वाः, यल छगू नीस्वंगु जुल । थ्वहे समितिपाखें वसुन्धरा पूजाया लसताय् सप्तपुर महाविहार व वसुन्धरादेवीया विषययात कयाः सफू छगू न पिथनेगु मनतुगु जुल । थुगु ज्याया लागी मूल समारोह समितिया नायः भाजु सिद्धिबहादुर शाक्यजु थःतः भाला बियाबिज्याःगु जुल । थःम्हं न थुगु कार्ययात धर्मकार्य भाःपियाः थुगु सफू तयार यानागु जुल ।

(घ)


‘सप्तपुर महाविहार व आर्यश्रीवसुन्धरादेवीया परिचय’ नागु थुगु सफू पिथनेगु ज्याय् चिकबहीया श्रद्धेय आजुपि, विशेष्पयाना आजु लक्ष्मीबहादुर शाक्य व सघया दुजः सिद्धिबहादुर शाक्य, सुरेन्द्र शाक्य, देवबहादुर शाक्य, नविन शाक्य, बाबुराम शाक्य, सुरेश शाक्य, निकेश शाक्य सहित मेमेपि सघया दुजःपिनिगु पाखे न ग्वहालि जूवगु दु । अथे हे, थुगु कार्यय् लोटस रिसर्च सेन्टर, यल व उगु सेन्टरया अध्यक्ष प्रा डा वज्रराज शाक्य नाप चूर्णबहादुर वज्राचार्य, माणिक वज्राचार्य, मणिश शाक्यपिनिगु पाखे न ग्वहालि जूवगु दु । थुकीया लागी वसपोलपि सकसित हार्दिक कृतज्ञता ज्ञापन व सुभाय् देछायाचवना । नाप वसुन्धरा पूजा मूल समारोह समिति पाखे सफू प्रकाशन यानाव्यूगुलिं समारोह समितिया नायः सहित सम्पूर्ण जःदुजःपिन्त न हार्दिक सुभाय् देछानागु जुल ।

इलय् हे सफूयात मूर्तरूप बियाः सिधयेकाव्यूगुलि बागमती छापाखाना परिवारयात न सुभाय् बियाचवना ।

अन्तय्, सकलसिया धर्मचित्त उत्पन्न जुयाः सदां भि जुइमाः धका मंगलमय कामना यानागु जुल । अस्तु ।

ने सं. ११२२ ज्ञेलाख अष्टमी
(२०५९ भाद्र २९ गते शनिवार)

हेराकाजी वज्राचार्य
यशोधर महाविहार
तःजः, धवलगाः, यल ।



सप्तपुर महाविहारया गन्धुरी देवता

सप्तपुर महाविहारया परिचय

सप्तपुर महाविहार-चिकंबहीया वर्तमान स्वरूप :

नेपालमण्डल-नेपाःगाः धार्मिक, सांस्कृतिक व ऐतिहासिक दृष्टिकोण तस्सक महत्वपूर्णगु थाय् खः । थन प्राचीनकालनिसें बुद्धधर्म प्रचार जुयाः थासथाय् आपाल बौद्धविहार नीस्वनेगु ज्या जूवगु जुल । बौद्धसमाजयात शिक्षित यानाः धर्मानुकूल जीवन हनावनेतमाःगु बुद्धधर्म व थुगु हे धर्मकथया शिक्षा-दीक्षा बिइगु धार्मिक व सांस्कृतिक ज्याभवाःत न्ह्याकेगु प्रमुख स्थलया रूपय् बौद्धविहारयात कयातःगु दु ।

मूलरूपं, बुद्धधर्मय् दीक्षित जुयाः बौद्ध सघय् प्रवेश जुइगु पवित्र स्थलया रूपय् कयातःगु थुजोगु बौद्धविहारयात बौद्धसमाज बाहाः व बही यानाः निर्याकथ नालावयाच्चगु दु ।

ख्वहे निर्याकथया विहार यल देशय् नं थासथाय् आपाल हे नीस्वनातःगु दु । थन नीस्वनातःगु विहारत मध्यय् न मूबाहाःया ल्याखं भिच्याबाहाः व मूबहीया ल्याखं नीप्यबही नालावयाच्चगु दु । ख्वहे मूबाहाः बही थनयापिनि सघय् प्रवेश जुइगु पवित्र स्थल खः ।

यलया नीप्यबहीया ल्याखय् लानाच्चंगु बही मध्यय् चिकबही छगू न खः । थुगु बहीयात संस्कृत नाम 'सप्तपुर महाविहार' धका नामाकरण यानातःगु दु । थुगु बहीयात थनयाम्ह हे शाक्य भिक्षु गौतमश्रीजुं निर्माण यानाथकूगु जुयाः थुगु बहीयात 'गौतमश्री संस्कारित-सप्तपुर महाविहार' धका प्रख्यात जुयाच्चगु दु । नेपाःया थःगु हे मौलिक परम्परा दुगु व बहीविहारया वास्तुकला दुथ्याकाः यलया सरक्षित यानातःगु बही मध्यय् सप्तपुर महाविहार-चिकबही छगू न खः । थुगु बहीया स्वरूपय् न बहीलिइ दयेमाःगु लक्षण प्रमाण ल्यानाच्चंगु दनी । यल नगरया सिथय् पूर्व-उत्तर ईशान कुनय्, यलया हे पुलांगु बस्ति मध्यय् छगू बस्ति च्यासः त्वालय् चिकबही स्थापना यानातःगु खः ।

लिच्छवीकालय् च्यागू ल्याखय् लाःगु प्रदेशया रूपय् च्यासःयात दुथ्याकातःगु जुल । थुगु थाय्पात उबलय् अठसिइ प्रदेश धका नामाकरण जूवगु खः । ख्वहे

अठसिङ्गात जनभाषा च्यास-ल्या धायेगुया लिपा च्यास्ल-च्यास जूवगु जुल । मुक्क नेवा तय्गु बस्ती जुयाच्चगु थुगु च्यास त्वालय् यलया प्रसिद्धिपि प्यम्ह भिन्धो मध्यय् छम्ह भिन्धो-च्यास भिन्धो छम्ह न स्थापना यानात गु दु । अथे हे थन थाय्थासय् चिब्राहा, धमधातुमण्डल, गणेश, अनेक देवीदेवतापिनिगु मूर्ति, सतः, फलेचा, देग आदि थी थी धार्मिक व सास्कृतिक सम्पदा जायाच्चगु दु । थ्व हे त्वालय् हान, गा हिति न दध्यानाच्चगु दु । गुकीयात च्यास हिति धाइगु खः । थ्व हे च्यास हितिया च्वस चिकबही नीस्वनातःगु खः ।

चिकबही थ्यकवनेगु त पुमछि लपु दु । थुकी मध्यय् यल मगलबजार लाय्कूया जःखि, मगः भिन्धोया न्ह्यःनेच्चगु तुइलाक्व लपु जुनाः थ्यनीगु वल्खु, भिन्धोलाछि, क्वय्लाछि जुना च्यासः ध्वदुइकाः वनेगु छपु ल खःसा मगलबजारया लाय्कूया खःखि पूव स्वया वनेव हःखा, सौगः, कुटिसौगः, न्यौट, खपिछे जुना च्यासः ध्वदुइकाः वनेगु मेगु छपु ल । अथे हे मगःभिन्धोया खःखि उत्तर स्वयाः वनेव थ्यनीगु स्वथत्वाःया जःखिच्चगु गःलि दुहावनाः कुलिम, भेलाछे, चोछे जुनाः च्यासः ध्वदुइकाः वनेगु लपु । वथे तु इवही स्तूपया न्ह्यःनेच्चगु गःलि गःछे जुनाः च्यासः ध्वदुइगु लपु व बालकुमारी वनेगु लपु जुनाः च्यासः ध्वदुइकाः वनेगु लपु यानाः मुक्क न्यापु लपु दूगु जुल ।

सप्तपुर महाविहार-चिकबही दुहावनेत बहीलुखाया पिनेरिखे त्वहया भिच्छत्वाथः दयेकातःगु दु । थुगु त्वाथः गयाः थहावनेव बहीलुखा दुने महाकाः छेलिइ फल्वा दयेकातःगु दु । थुगु हे थासय् जःखि च्वगु अगलय् लिधकाः महाकाःद्यः छम्ह न स्वनातःगु दु । थुम्ह महाकाःद्यः वि स २०२५ साल न्हुगुम्ह दयेकाः स्वनातःगु खः । थनया न्हापायाम्ह महाकाःद्यः जीर्ण जुयावगु जुयाः उगु हे थासय् न्हुम्ह तःगु जुल ।

चिकबहीलिइ छचालं फः थकयातःगु प्यकुलाःगु चक्कगु लाय्ब्व दु । लाय्ब्व छफाति चिकअप्पा सियातःगु दु । थ्व हे थासय् बहीलुखाया चुलचू पूर्वाभिमुख यानाः बहीदेगः छगः नीस्वनातःगु दु । थुगु बहीदेगःया जःखः नितंजाः याना बहीछे दयेकातःगु दु । देगःया न्ह्यःने न बहीछे दयेकाः क्वातुकातःगु दु । बहीविहारय् दयेमाःगु लक्षण प्रमाण स्वरूप थन न बहीद्यःया पलि नापं जःखःया बहीछे च्वगु पलि सरह याना स्वाकातःगु दु । बहीदेगःया जःखि, दक्षिण दिशाय् च्वगु बहीछे थनिं १८ दति न्ह्यः पुनःनिर्माण जूवगु खःसा खःखि, उत्तर दिशाय् च्वगु मेगु बहीछे न पुनःनिर्माण यायेगु ज्या क्वचाये थुंकूगु दु । चिकबहीया देगःछे न जीर्ण जुयावनाः थनिं निदं न्ह्यः जीर्णोद्धार यायेगु ज्या न क्वचायेकूगु जुल ।

सप्तपुर महाविहार-चिकबहीया द्य.गलय्-मूलगन्धकूटीइ भूस्पश मूद्रा ज्याना वज्रपयइ मूद्राय्, पूवाभिमुख यानाबिज्यानाच्चमह अशोभ्य तथागत छम्ह स्थापना यानात गु दु । थम्ह तथागत हे थुगु सघया मूद्य-गन्धरीदेवता ख ।

बहीविहारया मूलगन्धकूटी-द्य कोथाय् बिज्याकातइपि बहीद्य यात गन्धरीदेवता आयेंगु चलन दु । बहीसघयापि गन्धधूरया लागीं अभ्यास याइपि जूगुलि गन्धधूरिपिनि देवताया अथय् गन्धधूरी देवता गन्धरीदेवता जूवगु जल ।

थनया गन्धरीदेवताया जवखव च्वाम्व व पिण्डपात्र आरण यानाच्चपि शारीपुत्र व मौद्गल्यायणया पर्तीक स्वरूप निम्ह भिक्षुपिनिगु मूति न तथात गु दु । अथे हे थुगु द्य.गलय् मेमेपि देवतापि न स्वनात गु दु । थुगु बहीद्य कोथाया मूलुखा मियागु दयेकात गुयात ने स ९८७ श्रावण शुक्ल सप्तमी कुन्हु कलात्मक बुद्धा क्रिया लिलया पाता भुनाय्गु जल । थनया मूलुखा फुसय् धातुया पञ्चबुद्धया मूति तथात गु दु । थ्वया च्वस ज्वाय्गु न खायात गु दु । थ्व हे मूलुखाया च्वस त्रिरत्न-बुद्ध, धम्म, सघ स्वरूप अशोभ्य मूल याना जवय् प्रजापारमितादेवी व खवय् षड्भेरी लोकेश्वरया मूर्ति दुथ्याका थ्वया च्वय् पञ्चबुद्धपि न्याम्हसिगु न मूति अकितगु कलात्मक त्व न छपाः न तथात गु दु । थुगु त्वल ने स ९९१ श्रावण शुक्ल १५ या दिनस दुन्ता या गु खः । त्वलया ल्यूने पञ्चबुद्धया चाचि च्वयात गु दु । अथे हे मूलुखा ज.ख च्वाम्व व पिण्डपात्र ज्वनाच्चपि शारीपुत्र व मौद्गल्यायण निम्ह भिक्षुपिनिगु चाचि न च्वयात गु दु । हान, थ्वया हे नाप ज.खः अगलय् ने स १०२८ स दुन्ता यानात गु स्वग, स्वग लिलया माणं (मणिचक्र) न स्वनात गु दु । थुकिया नाप थ्व थासय् थुगु बहीलिसं सम्बन्धितगु त्वहपौ प्यपाः प्यपाः न तथात गु दु । थुगु हे थासय् बहीद्य चाहुलेगु प्रदक्षिणा मार्गया रूपय् ग.लि लपु तथाः थ्वया छुचाल दहलूपाः तथात गु दु ।

चिकबहीया द्य.लुखाया न्ह्यःनेच्वगु त्वाथःया जवखव ने स ९९६ श्रावण शुक्ल सप्तमी व ने स १०६३ मार्ग शुक्ल पुन्ही कुन्हु दुन्ता यानातःपि त्वहया निम्ह सिंह द्वारपालया रूपय् स्वनात गु दु । थ्वया नाप नाप जवखव ने स ९९७ श्रावण शुक्ल अष्टमी कुन्हु दुन्ता जूगु लिलया ध्वाय् निपु न स्वनात गु दु । थ्व हे द्य.फल्य ज.रिखे ने स ९८६ मार्गशिर १ स दुन्ता जूगु द्य.ग छगः व ख.रिखे ने स १०१५ आषाढ बदि ११ स दुन्ता जूगु मेगु छगः द्य.ग यानाः निगः द्य.ग स्थापना यानात गु दु । थन हे लिक्क देगःया ख.रिखे थुगु बही विहारय् दुहां पिहा वनेत सहायक मागया रूपय् लुखा छदुवा न चायेकात गु दु ।

बहीदेगःया द्यःकोथा-गन्धकूटी त्वःताः थ्वया जःखःया भूमितल्लाया न्त्यःनेरिखे खुल्ला रूपं त्वतातःगु दु । थुगु भूमितल्ला च्वय्, न्हापागु तल्लाया, मूलुखा फुसय् स्वपाः प्यय्पुगु कलात्मक सभयाः छुनातःगु दु । थ्वया न्त्युने उग्रतारादेवी (वज्रवाराही) छम्ह नीस्वनाः आगकोथा दयेकातःगु दु । थुगु हे थासय् थनया वसुन्धरादेवी छम्ह नं स्वनातःगु दु । थनया आगकोथा त्वःताः थुगु थाय् बार्दली पिकयाः खुल्ला यानातःगु दु । थुगु तल्लाया च्वय् आय्पा पलि चिनाः थ्वया न च्वय् बही विहारया परम्परा कथया देगःचा छगः दयेकाः पुल थकयातःगु दु । आय्पा पलि चिनातःगु थुगु देगःचिया म्हुःपौ छ्चालिं फय्ग घानातःगु दु । थुगु देगःचाय् गजूया रूपय् सिजःया लुंसिया चैत्य छगः तयाः उकी स्वम्ह नाग सहितगु लुंसिया नागछत्रं कुइकातःगु दु ।

सप्तपुर महाविहारया देगःया जवख्वं च्वगु नितजाःगु बहीछेंया भूमितल्लाया न्हापा बहिद्यः ब्वयेगु आदि यानावयाच्वगु खःसां लिपा थुगु बही मिं नयाः थनया आपाः धयाथें धर्मकीर्तित नष्ट जुयावनसा गुलिं हरण जुयावंगुलिं थुगु ज्याभवः थन खनेमदये धुंकल । थौं कन्हय् थुगु थासय् धार्मिक ज्याभवः न्त्याकेगु, धर्मदेशना यायेगु, पठन-पाठन यायेगु आदिया लागी सलंशालाया रूपय् क्वातुकातःगु दु । भूमितल्लां च्वय् च्वंगु तल्लाया बार्दली पिकयाः थनया थाय्यात नं क्वातुकाः थुगु बही संघयापिनि पर्व पर्वय् यायेमाःगु विविध ज्या न्त्याकावनेत छ्यलावयाच्वंगु दु ।

थुगु बहीया लाय्ब्वय्, बहीद्यःया द्यःफः क्वसं यज्ञशाला तयातःगु दुसा थ्वया नापं भवःलाक श्री ५ सुरेन्द्र महाराजाया पर्याय् स्थापना जूगु खं च्वयातःगु वज्र सहितगु त्वहंया धर्मधातुमण्डल छगः, ने. सं. ९८३ श्रावण कृष्ण पञ्चमी कुन्हु नीस्वनातःगु पञ्चावलियुक्त चैत्य छगः, ने. सं. ७७७ कार्तिक कृष्ण षष्ठीपर सप्तमी कुन्हु नीस्वनातःगु शिखरकूट चैत्य छगः दु । थुगु हे चैत्यया पूर्वाभिमुखय् चैत्यया फः नापं त्रिरत्नया प्रतीक-अक्षोभ्य, प्रज्ञापारमितादेवी व षड्क्षेरी लोकेश्वरया त्वहंया मूर्ति स्वनातःगु दु । अथे हे थ्वया नापं ने. सं. ९९० श्रावण शुक्ल पञ्चमी कुन्हु नीस्वनातःगु पञ्चावलियुक्त चैत्य छगः नं दु । थुगु चैत्ययात ने. सं. ९८३ शुद्ध श्रावणशुक्ल पञ्चमी कुन्हु जीर्णोद्धार यानाः नापं सुवर्ण चैत्य प्रतिविम्ब प्रतिष्ठा नं याःगु जुल । थुगु खं थ्व हे चैत्यया नापं स्वनातःगु ससत्त्वहंतय् उल्लेख यानातःगु दु ।

ऐतिहासिक पृष्ठभूमि :

चिकबहीयात सप्तपुर महाविहारया नाप नाप चुपिखा विहार, चिल विहार न धायेगु याः । थन नीस्वनातःगु ने स ७७७ या चैत्याभिलेखय् थुगु विहारयात 'श्रीचुपिरि विहार' वकाः उल्लेख जुयाच्चगु दु । अथे हे थनया ने स ७८४ या छगु अभिलेखय् 'श्रीचुपिनि विहार' वकाः न छ्यलातःगु दु । थ्व ना चुपिखा विहारयात हे कया धयातःगु स्पष्ट जू वः । थनयापिस थुगु विहारयात चुपिखा विहार वका म्हसिइकावयाच्चगुयात न्हापा 'चुपिरि विहार' वा 'चुपिनि विहार' या रूपय् नालावयाच्चगु जुल । थनया ल्वहंपतिइ थुगु विहारयात चुपिरि, चुपिनि विहार वकाः छ्यलातःगु दु थ, चिल विहार वका च्वयातःगु धाःसा खनेमदु । न्यने दु कथ थुगु थाय् न्हापा चिकसाःया रूपय् छ्यलातःगु खः । लिपा थ्वहे थासय् बहीविहार दयेकूगुलि थुगु बहीया ना चिकबही जूवगु खः । अथे हे चिकसाः दूगु थाय्या विहार-चिकसा विहार धायेगु यानावयाच्चगुली लिपा भाय् ज्यलाः वनाः चुपिरि, चुपिनि धायेगु याया चुपिखा विहार जूवगु जुल । थनयापिस चिलबही विहार कथ न म्हसिइकावयाच्चगु थुगु बहीयात लिपा चिलबहीया चिकबही जूवगु न जुइमाः ।

अथे हे थनयापिनि धापु कथ न्हापा थुगु बही दयेकूबलय् बहीया देगः न्हय्तजाः यानाः दयेकातःगु खः । लिपा थन हे नीस्वनातःगु छगः चैत्य मि पिहावयाः थुगु बही मि नयाः पुनःनिर्माण जूवबलय् छतजाः याना जक दयेकूगु जुल । न्हय्तजाः याना बहीदेगः दयेकातःगु जुयाः चिकबहीयात सप्तपुर महाविहार धाःवगु खः । लुमके बहजू गुइतःया प्रथमश्री महाविहार-तःधंगु गुइतःबहीया देगः न न्हापा गुतजाः याना दयेकातःगु खः । थ्वहे कारण थुगु बहीयात गुतबहीया गुइतःबही जूवगु धयावयाच्चगु न न्यने दु ।

चिकबहीया उगु छगः चैत्य बरोबर मि पिहावइगु अले थ्वहे कारण बही थ्यंक मि नःगु जुयाः लिपा उगु चैत्ययात च्यासः हितिइ यकाः स्वनेयकूगु जुल, गुगु चैत्य अद्यापि उगु थासय् दनी । थनयापिनि धापु कथ थुगु बही न्हय्क्वःतक मि नये थुंकूगु खः । थुगु बहीलिइ च्वने मजीक मि नःगुलि थनयापि थःपिनि क्वात्तुक सम्बन्ध दूगु गुइतःबहीया मूल गुस्तल विहारस च्ववंगु जुल । चिकबहीसधयापि च्वनावगु जुयाः गुइतःया उगु गुस्तल महाविहारयात चिकबहीचा धायेगु न चलन आःतक दनि ।

सप्तपुर महाविहार-चिकबहीया स्थापनाकालयात प्रामाणिक रूप क्वःछिइत

क्व जीक धायेफइगु कथया छु न प्रमाण आ तक लुयाव गु मर्दुनि । थनया धर्मकीर्तित न गुलि मि लानाः गुलि हरण जुयावगुया कारण थन पुलागु धर्मकीर्तिपाखे न अध्ययन यायेगु सम्भव मदुगु जुल ।

अथे न बहीया स्वरूप आदियात कयाः अध्ययन यानावनेबल्य् थुगु बही यलया पुलागु बहीया भवलय् लाःवनीगु खनेदःवः । आतक्क लुयावगु थनया प्रामाणिक अभिलेख मध्यय् दकले पुलागु गुइतःया तःधगु बही-प्रथमश्री महाविहारय् नीस्वनातःगु लिच्छवीकालिन चैत्यया क्वफल्य् च्वगु ने स १४४ यागु अभिलेख खः । थुगु अभिलेखय् चिकबहीया सस्कारित ना व सस्कृत ना समेत दुथ्याकातःगु दु । प्राचीन नेपाललिपि छ्यलातःगु थुगु शिलाभिलेखय् ने सं वेदाब्धिचन्द्रे =१४४ जेष्ठकृष्ण एकादशी तिथि शनिश्चरबार कुन्हु महापण्डित शाक्यभिक्षु श्रीगौतमश्री सस्कारित ललितपुरया सप्तपुरी महाविहारया चुकय् दानपति शाक्यभिक्षु श्रीशुभश्री न धर्मचित्त उत्पत्ति यानाः चिकअप्पां सियाब्यूगु खं उल्लेख जुयाच्चगु दु । थुगु अभिलेख अनुसार महापण्डित शाक्यभिक्षु गौतमश्री न चिकबही स्वनेगु ज्या यानाः थुगु बहीयात सप्तपुर महाविहार नामाकरण जुयाच्चगु खं स्पष्ट रूपं च्वयातःगु दु । थुगु अभिलेखया आधार न चिकबही थनि द्वाछि दं न्ह्यः हे निर्माण जुइधुकूगु सिइदु ।

थुगु बहीविहारया मेगु प्रामाणिक अभिलेख धयागु श्रीगणेश देवता प्रतिस्थापना याःगुया खः । ने सं ५३५ अंकितगु थुगु अभिलेख थनया बहीचःया मूलुखां खःरिखे स्वनातःगु ससल्वहंयागु खः ।

सप्तपुर महाविहारया मेगु प्रामाणिक, थन हे बहीलिइ नीस्वनातःगु अभिलेखत छसिकथं थथे दु :-

- १ ने सं ७७७ कार्तिककृष्ण षष्ठीपर सप्तमी कुन्हु थनया शिखरकुट चैत्य प्रतिष्ठा याःगु अभिलेख । थनया शिखरकुट चैत्यया लिक्क स्वनातःगु ल्वहंपतिइ थुगु चैत्य स्थापना याःगुया नापं थनया श्री ३ वज्रवाराहीदेवी, श्री ३ गन्धुरीदेवता जीर्णोद्धार याःगु खं न उल्लेख यानातःगु दु । थुगु हे ल्वहंपतिइ सप्तपुर महाविहार-श्रीचुपिरि विहार धका न उल्लेख जुयाच्चगु दु ।
- २ ने सं ७८४ आषाढ शुक्लपक्षया सप्तमीपर अष्टमी कुन्हु थन स्वर्णकोष तःगुया अभिलेख । थुगु अभिलेखय् सप्तपुर महाविहारयात 'श्री चुपिनि विहार' धका उल्लेख जुयाच्चगु दु ।
- ३ ने सं ८२६ माघकृष्ण चतुर्थी कुन्हु श्रीसिकपुलि विहारय् श्री ३ शाक्यमुनि

भगवान् जीर्णोद्धार याःगु व वसपोलयात सिजलय् लुसिया ल्हाने ज्या याःगु ख न दुय्याकातःगु दु ।

- ४ ने स ८८३ माघशुक्ल पञ्चमी कुन्हु वज्रवाराहीदेवीयात छु याःगु आख अस्पष्ट। ख च्वयातःगु दु ।
- ५ ने स ९९८ माघ शुदि ६ कुन्हु देगःया पुरस सुवर्ण चुडामणि गजुरी छाःगुया अभिलेख ।
- ६ ने स १०२० स गन्धुरीदेवतायात थःपिनि दिवगत जुयावपिनिगु नाम शख, ग, खादलू, सुवर्ण लेपित तोरण सहित पुरस छत्र सहित नागराजा स्वम्हत गुया अभिलेख ।
- ७ ने स १०९६ स गन्धुरीदेवताया श्रीमुखय् लुं स्यूगु ख व थुगु ज्याया दातापिनिगु नामावली समेत उल्लेख यानातःगु अभिलेख ।

च्वय् उल्लेखित अभिलेखया अतिरिक्त सप्तपुर महाविहार, चिकबहीया मेगु अभिलेखत जोन के लकया 'बुद्धिष्ट मोनाष्ट्रीज अफ नेपाल' सफुतिइ न दुय्यानाच्वगु दु, गुगु थथे खः -

- १ ने स ५५४ स सप्तपुर महाविहारया प्राङ्गणय् च्वगु चैत्यय् अमिताभ मूर्ति प्रतिस्थापना याःगु ।
- २ ने स ५७७ कुन्हु रत्नसम्भवया मूर्ति तःगु ।
- ३ ने स ७३६ कुन्हु गन्धुरीदेवतायात छु दुन्ता याःगु ।
- ४ ने स ७५८ कुन्हु सप्तपुर महाविहारया देगलय् लुयां गजू छाःगु ।
- ५ ने स ८०८ कुन्हु थुगु विहारय् श्री मनुचन्द्रया शालिक स्वगु ।
- ६ ने स ८५४ कुन्हु शाक्यमुनि बुद्ध व वज्रवाराहीयात नित्यपूजा यायेत गुथि दुन्ता ।
- ७ ने स ८५९, ८६० कुन्हु शाक्यमुनि व वज्रवाराहीयात वहःया तिसा दुन्ता याःगु ।
- ८ ने स ९९८ कुन्हु सघपिस म्हाति न्यामोह दा ल्हाना सप्तपुर महाविहार जीर्णोद्धार याःगु ख दुय्याकातःगु ।
- ९ ने स १००५ कुन्हु गुथि हनागुया ल्याःचाः यानातःगु ख ।
- १० ने स १०१६ कुन्हु गुथिया लागी आम्दानी जूगु आयस्ताया ख ।
- ११ ने स १०३५ कुन्हु धर्मादित्य धर्माचार्यजु पाखे बुद्धजयन्ती न्ह्याकेगु ज्या, चुडाकर्म समारोह व सघ भोजन याकूगु खयात कया न्ह्यथनातःगु ।

सप्तपुर महाविहारसंघ व कर्तव्य :

सप्तपुर महाविहार-चिकबहीसंघया दुने बुद्धशासन रक्षायं भिगु आचरण यानावनेगुलिइ समर्पित जुयाः थःपिनिगु बहीविहारय् विभिन्न धार्मिक ज्या न्ह्याकावयाच्चगु दु । बौद्धसंघय् दुहावनेत दकले न्हापा प्रब्रज्या ग्रहण यानाः भिक्षु जीवन हनेमाःगु बौद्ध परम्पराकथ थुगु विहारय् न थनया आजुपिस संघया दुजःपिनि काय् मस्तय्त बन्दे लुनाः प्यन्हुतक भिक्षु जीवन हकेबियाः संघय् प्रवेश यायेगु ज्या जुयाच्चगु दु । थुगु ज्या यायेत थन न्याम्ह आजुया व्यवस्था जुयाच्चगु दु । थपाःजु सहित थुपि हे न्याम्ह आजुपिनिगु नायकत्वय् संघय् यायेमाःगु विभिन्न धार्मिक व सास्कृतिक ज्या न्ह्याकावयाच्चगु जुल । वसपोल आजुपिस थुगु संघय् पर्व पर्वय् जुइगु पूजा, गुथिइ थकालि जुयाः पूजा यायेगु निसं कयाः थकालि कथ आगमय् पाः कयाः न्हिक यायेगु, आगपूजा यायेगु ज्या न न्ह्याकाच्चगु जुल । अथे हे संघया दुजःपिं मध्यय् सु न आजु तय् थनकि नायः लुइगु, थपाः त्वयेगु ज्याय् न आजुपि सम्मिलित जुयाः माःगु धार्मिक ज्या पूवकाच्चगु जुल ।

सप्तपुर महाविहारसंघया दुजःपिनिगु कर्तव्य कथ थकालि कथ थनया गन्धुरीदेवताया थाय् छःपाः फयेगु यानावयाच्चगु दु । थन प्रत्येक आईतवार आईतवार छ्वाः तक्क छःपाः च्वनाः देवख्यः चायेकेगु, नित्यपूजा यायेगु, आरति पूजा यायेगु ज्या जुयाच्चगु दु । अथे हे गुला लच्छियक आर्यमञ्जुश्रीनामसगीति गाथा ब्वनेगु, तुतः ब्वनेगु आदि नं जुयाच्चगु दु ।

बहीसंघय् प्रवेश यायेगु भवलय् बहीसंघयापिनि काय् मस्तय्त बन्दे लुइगु, नायः लुइगु, थपाः त्वयेगु व अन्य विहारया विविध धार्मिक ज्या यानावनेत बहीसंघयापि गुरुजुपिनिगु पाखें हे सम्पन्न यानावनेमाःगु परम्पराअनुसार थुगु चिकबहीसंघया थुजोगु पूजाया ज्या न्ह्याकावनेत यलया लोकाकीर्ति महाविहार, नःबहीया गुरुजुपिं बिज्याकेगु यानावयाच्चगु दु । मेगु मचाजकु, ज्याः जकु, विवाह आदि सामाजिककथया धार्मिक ज्याय् बाहाःयापिं गुरुजुपिं बिज्याकाः पूजा याकेगु ज्या न्ह्याकावयाच्चगु जुल ।

सप्तपुर महाविहार-चिकबहीसंघया नायक जुयाबिज्यानाच्चपिं पञ्चस्थविर आजुपिनिगु नां थुकथं खः -

१. थपाजु - लेखराज वैद्य
२. आजु - ललितराज वैद्य
३. आजु - लक्ष्मीबहादुर शाक्य
४. आजु - छविराज शाक्य
५. आजु - माहिला शाक्य

चिकबहीया सर्वसंघया नां थलखय् थौकन्हय् १६० म्ह शाक्यपिनिगु श्रीनाम उल्लेख जुयाच्चगु दु ।

रितिथिति गुथि :

सप्तपुर महाविहार सघय् न्हापा त गुमछि रितिभिति गुथि हनावयाच्चगु ख सा थौकन्है आयस्ता ब मला गु आदिया कारण अप्पो धयाथे न्हावने धुकल । थौकन्है सघयापिनिगु पाखे न्हाप व दानदत्त आदि सघया ज्या न्ह्याकाच्चगु जुल । थौकन्है सघया दुजपि सकले मुना बही बुसाध यायेगु, गुला लच्छि लुचिद्य थायेगु, देगुद्य पूजा, वसुन्धरा व्रत, सघ भोजन आदि ज्या न्ह्याकाच्चगु दु । थन दय्दम हनावयाच्चगु गुथित थथे दु -

- | | |
|----------------------|---------------------------------------|
| १. बहीद्यः बुसाध | - बैशाखशुक्ल अष्टमी । |
| २. देगुद्यः पूजा | - बैशाखकृष्ण दशमी चाछुवः दिशी । |
| ३. लुचिद्यः थायेगु | - श्रावणशुक्ल प्रतिपदा निसे लच्छीयक । |
| ४. गुलापारु | - भाद्रशुक्ल प्रतिपदा । |
| ५. नामसगीति गुथि | - गुला धुकाः । |
| ६. वसुन्धराव्रत-पूजा | - आश्विनकृष्ण तृतीया, चतुर्थी । |
| ७. दिशीपूजा | - पौषकृष्ण दशमी । |
| ८. सर्वसघ गुथि | - माघ पुन्ही । |

विशेषता :


सप्तपुर महाविहार यलया बहीविहारत मध्यय् कचाबही अप्पो दूगु विहार खः । थुगु बहीविहारया प्यंगू कचाबहीया नाप मेगु छगू कचाबही येया कोटेश्वरय् न दूगु जुल । थुगु बहीयापि न्हापानिसे वैद्य ज्याय् निपुणपि खः । थौ तक्क थनयापि आपासिन वैद्य ज्या हे यानावयाच्चगु दिन । अथे हे थनयापि राजवैद्य कथ न प्रसिद्ध जू ।

थनया मेगु विशेषता धयागु बौद्ध जगतय् लुमकेबहःम्ह व्यक्ति श्रीधर्मादित्य धर्माचार्यजुया देन खः । नेपाःया स्थविरवाद बुद्धधर्म पुनरुत्थान यायेगुली अग्रजम्ह, प्रकाण्ड बौद्ध विद्वान्, वृषमान वैद्यया काय् जगतमान वैद्य-धर्मादित्य धर्माचार्यजु थ्व हे सप्तपुर महाविहारयाम्ह कुलपुत्र खः ।

थौ तक्क थुगु बहीयात संरक्षण यायेगुली थनया सघपिनिगु कुतः व समर्पणयात न बौद्ध विहारया ख्यलय् छगू विशेषता हे धायेमाः ।

कचावही :

- | | | |
|---------------------|-----------------------|---|
| १। मणिकुल विहार | - बुरुमा वैद्यबाहा | - (ने स १८९ स स्थापित) |
| २। त्रिरत्न विहार | - चिब्राहा:तर्नीबाहा: | - (ने स १९० स स्थापित) |
| ३। भैषज्यराज विहार- | भैषज्यबाहा: | - (ने स १९८ स स्थापित) |
| ४। सुमगल विहार | - कुलरत्न बाहा: | - (भैषज्यराज विहार निर्माताया
कुलपुत्र जिवनरसि शाक्य
पाखें स्थापित) |



आर्यश्रीवसुन्धरानामधारणीस्तोत्रम्

ॐ नमो भगवत्यै आर्यश्रीवसुधारायै ॐ

दिव्यरूपी सुरूपी च सौम्यरूपी बलप्रदा ।
वसुधरी वसुधारी वसुश्री श्रीकरी वरा ॥१॥
धरणी धारणी धाता स(श)रण्या भक्तवत्सला ।
प्रज्ञापारमिता देवी प्रज्ञा श्रीबुद्धिवर्धिनी ॥२॥
विद्याधरी शिवा शू(त्)क्ष्या(क्ष्मा)शास्ता सर्वत्र मातृका ।
तरुणी तारु(र)णी देवी विद्यादानेश्वरेश्वरी ॥३॥
भूषिता भुतमाता च सर्वाभरणभूषिता ।
दुर्दान्तत्राश(स)नी भीता उग्रा उग्रपराक्रमा ॥४॥
दानपारमिता देवी वर्षणी दिव्यरूपिणी ।
निधानं सर्वमाङ्गल्या कीर्तिर्लक्ष्मीर्यशः शुभा ॥५॥
दहनि(नी) मालनी चण्डी शवरी सर्वमात्रिका ।
कृतान्तशाश(स)नी रौद्री कौमारी विश्वरूपिणी ॥६॥
वीर्यपारमिता देवी जगदानन्दरोचनी ।
तापसी उग्ररूपी च ऋद्धिसिद्धिबलप्रदा ॥७॥
धन्या पुण्या महाभागा अजिता जितविक्रमा ।
जगदेकहिता विद्या संग्रामे तारणी शुभा ॥८॥
क्षान्तिपारमिता देवी शीलनी ध्यानध्यायनी ।
पद्मनी पद्मधारीश्च(री च) पद्मासनी ॥९॥
शुद्धरूपी महातेजा हेमवर्णा प्रभाकरी ।
चिन्तामणिमहादेवी प्रज्ञापुस्तकधारिणी ॥१०॥
निधानं कूटिमारूढिधन्यागारधनप्रिया ।
त्रैधातुकं महा आदि दिव्याभरणभूषिणी ॥११॥
मातरी सर्वबुद्धानां रत्नधातेश्वरेश्वरी ।
शून्यता भावनी देवी भावाभावविवर्जिता ॥१२॥

वैन्ये(ने)य किं न विन्यस्ता दिव्यक्लेशनिछेदनी ।
 भी(भे)दिनी सर्वमाराणां सप्तपातालक्षीभिनी(णी) ॥१३॥
 ब्राम्हणी वेदमाता च गुह्य च गुह्यवासिनी ।
 सरस्वती विशालाक्षी चतुर्ब्रम्हविहारिणी ॥१४॥
 ताथागती महारम्या वज्रिणी धर्मधारणी ।
 कर्मधातेश्वरी विद्या विश्वज्वालाभमण्डली ॥१५॥
 बोध(धि)नी सर्वसत्त्वानां बोध्यङ्गकृतशेखरी ।
 ध्याना धीर्मुक्तिसंपन्न(ा) अद्वयद्वयभाविनी ॥१६॥
 सर्वार्थसाधनी भद्रा स्त्रीरूपामितविक्रमा ।
 दर्श(र्शि)नी बुद्धमार्गाणां नष्टमार्गप्रदर्श(र्शि)नी ॥१७॥
 वागीश्वरी महाशान्ति(र्) गोप्ति(प्त्री) धात्री धनप्रदा ।
 स्त्रीरूपा धारिणी सिद्धा योगिनी योगजेश्वरी ॥१८॥
 मनोहरी महाक्रान्तिः शौ(सौ)भाग्यप्रियदर्शिनी ।
 सार्थवाहकृपादृष्टि (ः) सर्वताथागतात्मकी ॥१९॥
 नमस्तेऽस्तु महादेवी सर्वसत्त्वार्थदायिनी ।
 नमस्ते दिव्यरूपी च वसुधारा नमोऽस्तु ते ॥२०॥
 अष्टोत्तरशतं नाम त्रिकालं यः पठेद्धि(त् पु)मान् ।
 प्राप्नोति नियतं सिद्धिमीप्सितार्थमनोरथान् ॥२१॥
 यदज्ञानकृतं पापम् आनन्तर्यसुदारुणम् ।
 तत्सर्वं क्षपयत्याशु स्मरणात् स(र्व)भद्रकम् ॥२२॥
 अथवा शीलसंपन्नः सप्तजातिस्मरो भवेत् ।
 प्रियश्चादेयक्येन रूपवान् प्रियदर्शनः ॥२३॥
 विप्रक्षे(क्ष)त्रियकुलेषु आदेयमुपजायते ।
 अन्ते भूमीश्वरं प्राप्तं(प्तः) पश्चात् प्राप्तः(ः) सुखावतीम् ॥२४॥

इति श्रीवसुधारानामधारणीस्तोत्रं सम्यक्संबुद्धभाषितं समाप्तम् ॥



॥ आर्यश्रीवसुन्धरादेवी ॥

आर्यश्रीवसुन्धरादेवीया परिचय

नपा या बौद्ध समाजय् बुद्ध बोधिसत्त्व व बुद्धधर्म नाप सम्बन्धित अनेक देवीदेवतापिनिगु ध्यान भावना याना पूजा यायेगु, त्त ब्वनेगु, धारणी ब्वनेगुया नाप नाप वसुपालपिनिगु नाम धल दनेगु न चलन दु । ख्वह भ्वलय् वसुन्धरादेवीया नाम दयेदम धल दनेगु, पूजा पाठ यायेगु व वसुपालया नाम हे थी थी नख हनेगु न चलन दु । प्राचीनकालनिसे श्रद्धाभाव पिज्वयका पूजा यानावयाच्चम्ह, लोकप्रसिद्ध वसुन्धरा देवीयागु बुद्धधर्मया क्षेत्रय् विशय महत्त्व दु । थनयापिस वसुन्धरायात अन्न, धन, रत्नया देवीया रूपय् हनाबना यानावयाच्चगु दु । पृथ्वीया प्रतीक कथ न नालावयाच्चम्ह वसुपालयात मूलरूप बुद्धधर्मया उत्कृष्ट ज्ञान-प्रज्ञाज्ञानया प्रतीकया रूपय् न कयात गु दु । उकि वसुपालयात वरदायनीया नाप नाप बुद्धजननीया स्वरूपय् श्रद्धापूवक पूजा यानावयाच्चगु जुल ।

भगवान् बुद्ध फुक्क प्राणीपित अनुकम्पा तया सकलसिगु मुख शान्तिया निमित्त वसुन्धरादेवीयागु पूजा-पाठ यायेगु, धल दनेगुयात कया उज दयेकाबिज्यागु ख 'आर्यवसुन्धराकल्पसूत्र' नागु ग्रन्थय् न्ह्यथनात गु दु । भगवान् शाक्यमुनि बुद्ध कौशाम्बि महानगरया घोषितारामय् विहार यानाच्चनाबिज्यागु इलय् सुचन्द्र गृहपति महाजनयात धर्म देशना यानाबिज्यागुकथ अतित कालय् वज्रधरसागरनिर्घोष नाम तथागत आर्यवसुन्धरादेवीयात श्रद्धाभाव उपासना याना वसुन्धरादेवीया मण्डः दयेकाः धल दनेगु, पूजा-पाठ यायेगु विधि विधानया नाप धल दनागुया पुण्य दुःख दारिद्र मोचन जुयाः मन तुनागु पूवनीगु ख उज दयेकाबिज्यागु खः । ख्व हे इलनिसे वसुन्धरादेवीया नाम धल दनेगु चलन न्ह्यानावगु खयात कयाः न वसुपाल उज दयेकाबिज्यागु जुल ।

वसुन्धराया शब्दार्थ व प्रतीकात्मक स्वरूप :

पृथ्वीया अनेक ना मध्यय् वसुन्धरा छगू न खः । पृथ्वीयात भूमि, धरती, मही, धरणी, वसुधा, वसुमति, वसुन्धरा आदि आपाल नां छयलातगु दु । पृथ्वीया हे प्रतीकात्मक स्वरूपम्ह जूगुलि वसुन्धरायात पृथ्वीमाता न धाइगु खःसा देवीमा रूपय् वसुन्धरादेवी धका न लुमकाच्चगु दु ।

वसुन्धरा खँवः 'वसु' व 'धरा' निगू खँवःया छगू रूप खः । थुगु निगू खँवःयात कयाः साधारण अर्थ यायेबलय् 'वसु' धैगुलि अनेक अन्न, धन, रत्न आदि धनद्रव्यया रूपय्, अले 'धरा' धैगुलि धारण यानाच्चम्ह धयागु अर्थ पिहावइ । उकि अन्न, धन, रत्नादि धारण यानाबिज्याःम्हया अर्थय् वसुन्धरायात कयातःगु दु । वसुन्धरायात कयाः थथे धयातःगु दु -

"वसु दधाति इति वसुधा, वसु धारयतीति वसुन्धरा" अर्थात्, धन धारण यानाच्चगु जुयाः वसुधा धाःगु खः । अले वसु धारण यानाच्चम्ह जुयाः वसुन्धरा धाःगु खः । थन 'दधाति' खँवःया अर्थ 'धारण यायेगु' या नाप नाप 'पालन पोषण याइम्ह'या अर्थय् न कयातःगु दु । थ्व अर्थ कथ वसु धारण यानाच्चम्ह व वसु (धन) बिया पालन पोषण याइम्ह वसुन्धरा खः ।

वसुन्धरादेवीयात लौकिक सम्पत्ति दायनीया रूपय् पृथ्वी आदिया प्रतीककथ कयातःगु दुसा लोकोत्तर सम्पत्ति दायनीया रूपय् बुद्धजननी, समताजान, प्रज्ञाजान आदिया प्रतीककथ कयातःगु दु ।

वसुन्धरादेवीया ध्यान व अर्थ विशुद्धि :

बौद्ध साहित्यय् वसुन्धरादेवी अकनिष्ट भुवनय् च्वनाबिज्याइम्ह देवीया रूपय् न्ह्यथनातःगु दु । वसपोल प्राणीपिनिगु उद्धार यायेत छगू भुवन मेगु भुवनय् च्वनाबिज्याइम्ह कथ न न्ह्यथनातःगु दु । थुकथ हे वसुन्धरादेवीया ध्यान ज्ञानयात कयाः न बौद्ध साहित्यय् दुथ्याकातःगु दु । वसपोलयागु ध्यान ज्ञानयात कयाः विशेष यानाः साधनामाला, श्रीवसुन्धरा परिपृच्छ सूत्र, वसुन्धरा व्रतोत्पति अवदान, विमलावती अवदान, दानासूर पत्नी यक्षणी कथा, वसुन्धरा व्रत विधि ग्रन्थादिइ न्ह्यथनातःगु दु ।

वसुन्धरादेवी छपाः ख्वाः निका ल्हाहा दुम्ह, छपाः ख्वाः खुका ल्हाहा दुम्ह, स्वपाः ख्वाः खुकाल्हाहा दुम्ह आदि अनेक रूपयापि वर्णन दु । थुकी मध्यय् नेपालय् न्हापानिसं वसुन्धरा व्रतय् दुथ्याकातःम्ह स्वपाः ख्वाः खुका ल्हाहा दुम्ह वसुन्धरादेवीयात हे नालावयाच्चगु दु-।

स्वपाः ख्वाः खुका ल्हाहा दुम्ह वसुन्धरादेवीया ध्यान वर्णन यानातःगु कथ वसपोल वज्रधरसागरनिर्घोष तथागत दूगु मुकुट पुयाः फुक्क प्रकारया तिसा वसत पुनाः नवयौवन सम्पन्नम्ह, खुका ल्हाहाति थीथी मुद्रा ज्यानाः ललिताशनय् च्वनाः जवगु तुति शंख सहितगु कलशय् दिकाः मुसुहुं न्हिलाः आनन्द बिज्यानाच्चम्ह खः ।

वसुन्धरादेवीया स्वपाः ख्वाः मध्यय् दथुया ख्वाः म्हासु पीतः वर्णः, जवगु ख्वाः ह्ये ह्ये धाःगु (कुंकुमः वर्णः व खवगु ख्वाः ह्याउँ रक्तः) वर्णगु खः । अथे हे वसपोलया खुका ल्हाहा मध्यय् जवगु स्वका ल्हाहातिं छसिकथं तथागत वन्दना (गुगु सफुतिइ जपमाला ज्वनाः तथागत वन्दना) मुद्रा, रत्नमञ्जरी व वरद मुद्रा ज्यानाच्चगु दुसा, खवगु स्वका ल्हाहातिं छसिकथं सफू, वाग्वी व कलश (लःघः) ज्वनाबिज्याःगु दु । वसुन्धरादेवीया शरीरया वर्ण काञ्चनवर्ण अर्थात् पाः कयातःगु लुंयागु थे जाःगु वर्णगु खः ।

वसुन्धरादेवी रत्नसम्भव तथागतया कुल उत्पन्न जुयाबिज्याःम्ह ख धयातल । रत्नसम्भव तथागतया वर्ण म्हासुगु जूगुलिं वसुन्धरादेवीया शरीरया वर्ण न म्हासु वर्णम्ह जूवगु खः धका न धयातल । वसपोल वसुन्धरादेवी म्हासु वर्णम्ह जूगुलिं हे वसुन्धरादेवीयागु पूजा याये बलय्, वसुन्धराव्रत दर्नीबलय् वसुन्धरा मण्डलनिसे पूजा ज्वलनय् तालाकेमाःगु पोताय्, कापः, व्रतसूत्र, स्वां, सिन्हा, मरिचरि, फलफुल, वाग्वी, वा, तःसी आदि फुक्क म्हासुगु हे छयलावयाच्चगु जुल ।

वसुन्धरादेवी धारण यानाबिज्याःगु स्वपाः ख्वाः व खुका ल्हाहाया ज्वसायात कयाः थी थी अर्थ विशुद्धि यानातःगु दु । वसपोलया स्वपाः ख्वाः मध्यय् जवय् च्वंगु कुंकुम वर्णगु ख्वाः महालक्ष्मीया रूपय् कयातल । अथे हे खवगु रक्तवर्णगु ख्वाः कौमारीया रूप, दथुया मूलगु पीतवर्णगु ख्वाः स्वयं वसुन्धरादेवीया थःगु हे वास्तविक रूप खः । थ्व स्वम्ह वसुन्धरादेवी हे खः धका स्वपाः ख्वाः धारण यानाच्चगु जुल ।

वसुन्धरादेवीया स्वपाः ख्वाःयात स्वंगू कालया रूपय् न कयातःगु दु । वसपोलया जवगु ख्वाः प्रातः काल, दथुया ख्वाः मध्याह्न काल व खवगु ख्वाः सन्ध्या कालया रूपय् कयातःगु दु । थ्व अर्थय् वसुन्धरादेवी प्रातः कालय् कुंकुमवर्णयाम्ह महालक्ष्मीया रूपय्, मध्याह्न कालय् पीतवर्णयाम्ह स्वयं थःगु हे रूपय्, अले सन्ध्या कालय् रक्तवर्णयाम्ह कुमारीया रूपय् जुयाबिज्याःम्ह खः । वसपोलया थ्व हे स्वंगू वर्णगु स्वपाः ख्वाःयात सांकेतिक दृष्टिकोणं सृष्टि, स्थिति व सहारया स्वरूप कथं कयातःगु दु । संसारया नियमकथं छुं न वस्तुया उत्पत्तिं लिपा छुं क्षण अवधि तक थातं च्वनाः विनाश जुयावनीगु स्वभावगु खः । संसारयागु क्षण भंगुर नियमयात म्हासिइकेत उत्पत्ति, स्थिति, भंगया ज्ञानयात कयाः वसुन्धरादेवी स्वपाः ख्वाः धारण याना क्यनाबिज्यानाच्चगु खः ।

वसुन्धरादेवीया ज्वसा व मुद्रायात कयाः न थी थी सफुतिइ वर्णन यानातःगु दु । वसुन्धरादेवी रत्नसम्भव तथागतया रत्नकुल उत्पत्ति जूगुलि वसपोल रत्न स्वभावम्ह खः । वसपोलया निका ल्हाहा मध्यय् छका ल्हाहाति वरदमुद्रा ज्यानाः मेगु ल्हाहाति रत्नमञ्जरी ज्वनाच्चगु दु । रत्नसम्भव तथागतया मुद्रायात कयाः हे थःम्ह न जवगु ल्हाहाति वरदमुद्रा ज्यानाच्चगु खःसा मेगु खवगु ल्हाहाति रत्नकुलया प्रतीक रत्नमञ्जरी ज्वनाच्चगु खः । थन रत्न धायेबलय् साधारण अर्थ कथ जवाहरात, नवरत्नादि खःसा थुकीया वास्तविक अर्थय् वसपोल धारण यानाविज्याःगु रत्नयात परमार्थ बोधिचित्तया रूपय् कयातःगु दु । अर्थात् दुःखी प्राणीपित करुणा तया समताज्ञानया लागी चिन्तामणि रत्नरूपी बोधिचित्तरत्न प्रदान यानाविज्यानाच्चगुया रूपय् कयातःगु जुल ।

वसुन्धरादेवीया खुका ल्हाहातिइ च्वगु ज्वसा व मुद्रायात कयाः वसुन्धराव्रत विधि सफुतिइ थुकथं वर्णन यानातःगु दु -

- १ वरदमुद्रा : सकलसत्त्व प्राणीपित पृथ्वीमण्डलय् दूगु हिरा-मोति आदि नाना रत्न लुं-वहः आदि नाना धातु व धान्य आदि वा-जाकि, नाना प्रकारया वृहि सकता वरदान बियाविज्याकम्हया अर्थय् जवगु छका ल्हाहाति भूमि थियाः वरदमुद्रा ज्यानाच्चगु स्वरूप ।
- २ रत्नमञ्जरी : चिन्तामणिरत्नया माला ज्वनाः लोकजनयात मनं तुनागु पूवका बिज्याच्चम्हया अर्थय् मेगु जवगु छका ल्हाहाति रत्नमञ्जरी ज्वनाबिज्यानाच्चगु स्वरूप ।
- ३ तथागत वन्दना : थःगु मुकुटय् बिज्यानाच्चम्ह वज्रधरसागरनिर्घोष तथागत गन गन मुकुटय् रत्नसम्भव तथागत बिज्याकातःगु उल्लेख दु ॥ यात वन्दना यानाच्चगुया अर्थय् जवगु स्वकागु ल्हाहाति तथागत वन्दना मुद्रा ज्यानाच्चगु स्वरूप ।
- ४ भद्रघट (कलश) : सम्पूर्ण सत्त्व प्राणीपित सद्धर्मचर्या बोधिचर्याय् तयाः सम्पूर्ण कलशय् च्वगु अमृतजल अभिषेक बिइत खवगु छका ल्हाहाति सम्पूर्ण कलश ज्वनाबिज्याकम्ह स्वरूप ।
- ५ धान्यमञ्जरी (वाग्बी) : ससारया समस्त प्राणीपित प्रतिपालन यायेया कारणय् खवगु निकागु ल्हाहाति वाग्बी ज्वनाः सप्तवृहि पूर्ण यानाबिज्यानाच्चगुया स्वरूप ।

पुस्तक (सफू) लोकजनया अज्ञान नाश याना प्रजा व उपाय वीरिजान प्राप्त याकाविज्यायंत खवगु स्वकागु ल्हाहाति प्रजापारमिता सफू ज्वनाविज्यानाच्चगु स्वरूप ।

वसुन्धरादेवीया ध्यान वर्णनयागु हे कमय वसपोल ललिताशन याना शख दूगु कलशया चने थगु जवगु तुति दिकाविज्यानाच्चगुयान कया न अथ विशुद्धि यानात गु दु । वसपोल भद्रघट-कलश उत्पन्न जुयाविज्या म्हे देवी जूगुलि हे कलशय तुति दिकाविज्यानाच्चगु ख । मेगु अर्थय शुद्धता, परिपूर्णता व विशुद्धताया प्रतीकया रूपय न कलशय तुति दिकाविज्यानाच्चगु ख ।

वसुन्धरादेवीया खुगु मुद्रायात कयाः सप्तवृद्धि-आयुवृद्धि यशवृद्धि, प्रजावृद्धि, धनवृद्धि, गुणवृद्धि, सुखवृद्धि, सन्तानवृद्धिया रूपय न तुलना यानात गु दु ।

वसुन्धरादेवीया वरदमुद्रा सन्तानवृद्धिया प्रतीक ख । पृथ्वीया आधारय स्वानाच्चपि प्राणीपि धाक्व वसुन्धरादेवीया सन्तान ख । वसपोलयाके च्वगु रत्नमञ्जरी धनवृद्धिया प्रतीक ख । अथे हे वसपोलया छका ल्हाहाति जपमाला ज्वना तथागत वन्दना मुद्रा प्रकृति धर्मयात चिन्तन मनन याना थगु मुकुटय विज्यानाच्चम्हे तथागतयात वन्दनायाना प्राप्त जुडगु गुण हे गुणवृद्धि कथ अर्थ विशुद्धि यानात गु दु । हान, वसपोल धारण यानात गु भद्रघट-कलश यशवृद्धिया रूपय कयात गु दु । अभिषेकादि ग्रहण यायेगुया अर्थय यशयात कयात गु जुल । गुलि न पुखू हिति, तु जलाशय, समुद्र आदिया प्रतिनिधित्व कलश लख यानाच्चगु दु । उकि हे विभिन्न धार्मिक ज्या-खंय कलशाभिषेकयात विशेष महत्त्व त्रिया पूर्णताया स्वरूप कलशयात कयात गु जुल । वसपोलयाके च्वगु वाग्बी आयुवृद्धिया प्रतीक ख । वा-जाकि अन्नादि व स्कन्धमुलादिया कारण प्राणीपि जीवित जुयाच्चगुया कारणय धान्यमञ्जरी वाग्बी यात आयुवृद्धिया प्रतीकया रूपय कयात गु जुल । सद्धमज्ञान आजन यायेगु प्रतीक स्वरूप वसपोलयाकेच्चगु सफूति प्रजावृद्धिया प्रतिककथ कयात गु जुल । अले सुखवृद्धिया रूपय सकलसित हित सुख याना उपकार यानाविज्याइम्हे वसुन्धरादेवी स्वययात कयात गु जुल ।

वसुन्धरादेवीया अनेक रूप दु थे अनेक ना न दूगु जुल । वसपोलयात समस्त लोक प्रतिपालक श्रीलक्ष्मी, सिद्धिलक्ष्मी, धनलक्ष्मी, बुद्धजननी, आर्यतारा, प्रजादेवी आदि अनेक ना बियात गु दु । वसुन्धरा कल्पसूत्रय वसपोलयात १०८ गू नाम सम्मरण यानाः स्तुति यायेगु खं दुध्यानाच्चगु दु ।

वसुन्धरादेवीयात विभिन्न देवीर्पनिगु प्रतिर्निधत्त स्वरूप कथं न लुमकाच्चर
दु । वसुपोलया वरदमुद्रा न्हात आर्यतारादेवीया स्वरूप कथं कथान ग् दु । अथ ३
जपमाला व सकृद्धारण यानाच्चरगुलि प्रजापारमितादेवी, रत्नमञ्जरी व धान्यमञ्जरी
धारण महानक्ष्मी, सम्पूर्ण अलक्षण अलग जुया फुक्क सम्पूर्ण जुयाच्चरनाविज्या गुलि
कुमारी, कलश उत्पन्न जुयाविज्याम्ह जूगुलि नैरात्मादेवी, कलश हे आशत याना
फुक्क ज्ञान, गुण, लक्षण पूर्णगु अभेद्यज्ञान स्वरूपिनीदेवी जुया कलश ज्वना अभिषेक
प्रदान यानाविज्याइम्हया रूपय् वज्रदेवीया प्रतिर्निधत्त स्वरूपिम्ह कथनात ग् जुल ।

हान, वसुन्धरादेवी प्यगूयुग-चतुर्युग भेदया ल्याख प्यगू हे नाम प्रसिद्धम्ह ख ।
वसुपोल सन्ययुगय् वज्रदेवी, त्रेतायुगय् वसुन्धरादेवी, द्वापरयुगय् महानक्ष्मीदेवी व
कलियुगय् कुमारीदेवी स्वरूपम्ह ख ।

वसुन्धराव्रत-गातिला धलं व थ्वया दिं :

व्रत च्वनेगु न्हापनिसेयागु चलन ख । प्राचीनकालानिसे विभिन्न धर्मावलम्बिर्पनिगु
समाजय् थः थःपनिगु धर्म व सम्स्कृतियात कथेच्याना, आपाल श्रद्धाभक्ति तथा अनेक
देवीदेवतार्पनिगु नाम व्रत-उपवास च्वनेगु प्रचलन न्ह्यानावयाच्चगु दु ।

व्रत च्वनेगु थैगु धल दनेगु खः । अष्टशील पालन यानाः धल दनेगुयात बौद्ध
समाजय् विशेष महत्त्व बियावयाच्चगु दु । नेपालय्, खासयाना, नेवाः बौद्ध समाजय्
धल दनेगु भवलय् वसुन्धरादेवीया नाम धल दनेगुयात न महत्त्व बियाः दुय्याकान ग
दु । सकल सन्ध प्राणीपनिगु भि-कामना काय, वाक्, चित्त शुद्ध याना, भिगू अकुशल
कर्म न्याग यानाः अष्टशीलादि पालन सहित वसुन्धराव्रत च्वनेगुयात नेवाः बौद्ध
समाज जीवन्तता बियावयाच्चगु दु ।

लौकिक सम्पत्तिया नाप नाप लोकांतर सम्पत्ति-बोधिचित्तरत्न प्रदान
यानाविज्याइम्ह वसुन्धरादेवीयात लुमकाः बोधिचित्त उत्पन्न यानाः शून्यता भावनाद्वारा
सर्वधर्मनैरात्म्यया ज्ञान आर्जन यानावनेगुया हेतु जुयाच्चम्ह वसुन्धरादेवीया नाम
धलं दनेगु यानावयाच्चगु जुल ।

दय्दस भाद्रकृष्ण तृतीया कुन्हु वसुन्धराया धलं दर्नीगु खः । थुगु धल दनेगु
दर्छिइ छकः जक मयाःसे लय् लय् पत्ति कृष्णपक्षया तृतीया कुन्हु, दय् भिनिनकः दनेगु
न चलन दु । प्रत्येक दय् भाद्रकृष्ण तृतीया कुन्हुनिसे न्ह्याकाः श्रावणकृष्ण तृतीया
तक्क भिनिनायक वसुन्धराव्रत दर्नीगु जुयाः थुकीयात 'द्वादशमास वसुन्धराव्रत

धका न धायेगु या । अथे न लय लय गति चने मरुत्त भाद्रकृष्ण तृतीया व माघकृष्ण तृतीया याता खुलाय छक वसुन्धराव्रत दनमा गुयात कया बौद्ध मरिचन्यय न्ययवनात गु द । अथे खुसा आया याता नेवा बौद्ध समाजय दय छक भाद्रकृष्ण तृतीया कुन्द हे जक व्रत चनेगु यातावयाचवगु द । थुगु व्रत तिथिया ल्याख तृतीया कुन्द चनेगु जुया थुकीयात तृतीया व्रत न धायेगु या ।

वसुन्धरा व्रतयात नेवाः समाजय तिला व्रत' व 'गातिना व्रत' कय मरिचकाचवगु द । वसुन्धरा व्रतयात तिला अथवा गातिना व्रत धा वगुछ थगु हे अथ द । नेवा भाषा मरिनायात ला धाडगु ख । अने तृतीयायात मरिचन्य नि जक उजोग याता तृतीया व्रतयात तिलाव्रत धा वगु खुने द । अथे हे थुगु व्रत प्रत्येक मरिनाया कृष्णपक्ष तृतीया कुन्दु वनीगु जुया थुकीयात न जनभाषा 'गातिना' धा वगु ख । अथात् तृतीया व्रतयात तिला धा व थे कृष्णपक्षयात नेवा भाषा 'गा' धाडगु ख । खहे अर्थय कृष्णपक्ष मरिनाया तृतीया तिथि कुन्दु चनेगु व्रत जुया थुकीयात गातिना धयावयाचवगु जुल ।

गातिना छल दनीवलय वसुन्धरा महामण्डल दयेका धामिक विधि विधान अनुसार पूजाया नाप गीलादि पालन याता चनेमा गु थगु हे नियम द । वसुन्धराव्रत-गातिनाया बारे व वसुन्धरादेवीया सांस्कृतिक गतिहासिक पक्ष व अन्य विविध विषयया जानकारीया लागी थुगु मफूया च्वमियागु अनुसन्धान मूलक कति नेपालको बौद्धधर्ममा वसुन्धरादेवी अध्ययन याये बह ज ।

यलय वसुन्धरा पूजा व थुकीया परम्परा :

यलय दय दस वसुन्धराव्रत-गातिना छल दनेगुया नाप नाप यल नगर क्षेत्रया दुने चवगु महाविहार, बहीविहार, चक नति व त्वा त्वालय स्वनातपि वसुन्धरादेवीया पूजाय विभिन्न पूजा ज्वल, छायेय ज्वल ज्वना अनेक बाज थाना धामिक उत्सवया रूपय वसुन्धरा पूजा व प्रदक्षिणा यायेगु चलन द । गातिना छल दनाः कहे भाद्रकृष्ण चतुर्थी कुन्दु वसुन्धरा पूजा वनीगु ख । थति २२ द न्ये ने स १०९७ वि स २०३४ साल तिमि वसुन्धरा पूजा वनेगु ज्या न्यागु ख । यल, इखालखु-तलाछि निवासी श्रीसिद्धिराज व वयक या जहान तयुनानी उपामिका व सपरिवारपिनिगु पाखे थपिनिगु निवास स्थानय २०३३ साल श्रीवसुन्धरादेवी प्रतिस्थापना याता वया दच्छि लिपा भाद्रकृष्ण तृतीया कुन्दु वसुन्धरा व्रत दना वया कहे कुन्दु

नगर परिक्रमा याना वसुन्धरा पूजा यायेगु ज्या न्हापाखुर्गी न्ह्याकूगु जुल ।

थुगु वसुन्धरा व्रत व पूजा दये दस मदिक्क न्ह्याकायकेगु हेतु यपिस स्वदयक पाः फयाः लिपा यलया विभिन्न बाहा बही व त्वा त्वाल सामुहिक वा व्यक्तिगत रूप ग्व साग्वयाः थुकीयात निरन्तरता बियावयाच्चगु जुल । ख्व हे भवनय थुगुसी २०५९ साल सप्तपुर महाविहार, चिकवही, च्यास त्वा यलया ग्व सालय वसुन्धरा व्रत व पूजाया ज्या न्ह्याकीगु जुल ।

यौ तक्कया दुने यलय थुगु व्रत व पूजा स्वयच्चया कथया बाहा बही व श्रद्धालुदातापिनिगु पाखे ग्व साग्वया न्ह्याके थुकूगु जुल -

नां	थाय्	दै
१ सिद्धिराज तुलाधर	तःलाछि	वि स २०३४
२ सिद्धिराज तुलाधर	तःलाछि	वि स २०३५
३ सिद्धिराज तुलाधर	तःलाछि	वि स २०३६
४ रत्नाकर महाविहार	हःखबाहाः	वि स २०३७
५ पद्मावती महाविहार	नःबाहाः	वि स २०३८
६ श्रीवच्छ महाविहार	सिवाहाः	वि स २०३९
७ रक्षयेश्वर महाविहार	पूचो ख्वथूवही - मुक्तबहादुर धाखा	वि स २०४०
८ दत्तनाम महाविहार	दौबाहाः	वि स २०४१
९ मयूरवर्ण महाविहार	भिच्छेबाहाः	वि स २०४२
१० च्यासःत्वाः	च्यासः	वि स २०४३
११ अक्षयेश्वर महाविहार	पूचो थथूवही	वि स २०४४
१२ तारेमाम् सघ	नागबाहाः	वि स २०४५
१३ सिद्धिराज तुलाधर	तःलाछि	वि स २०४६
१४ चक्रवर्ण महाविहार	चुकबाहाः - रत्नराज वज्राचार्य	वि स २०४७
१५ जेष्ठवर्ण महाविहार	तगःबाहाः - पन्नालाल शाक्य	वि स २०४८
१६ पद्मावती महाविहार	नःबाहाः - भिमराज शाक्य	वि स २०४९
१७ वैशवर्ण महाविहार	गुजिबाहाः - भिमराज शाक्य बाबुसाहेब	वि स २०५०
१८ सुरेशचन्द्र महाविहार	न्हाय्कवही	वि स २०५१
१९ प्रथमश्री महाविहार	गुडतःवही	वि स २०५२
२० मंगलदास महजंन, सानु महजंन	इखाछे, भगवति लाछि	वि स २०५३

२१	जयमनोहर महाविहार	सौवाहा:	वि स २०२४
२२	धर्मकीर्ति महाविहार	भैरवकुट विहार, नकिभ्या	वि स २०२५
२३	वैशवर्ण महाविहार	गुजिवाहा - भिमराज शाक्य ब्राह्मसाहंवा	वि स २०२६
२४	कामुकनाम महाविहार	तःधगु ख्वाय्बही - हर्षमाया शाक्य	वि स २०२७
२५	यशोधर महाविहार	बुवाहा: - बुद्धिराज वज्राचार्य	वि स २०२८
२६	सप्तपुर महाविहार	चिकवही, च्यासत्वा	वि स २०२९

वसुन्धरा पूजाय् दुथ्यानाच्चंषिं वसुन्धरादेवीपिनिगु स्थाननाम धल: :-

ना	त्या:
१	चिकवही, च्यास:या वसुन्धरा
२	ओम्बाहा:या वसुन्धरा
३	ज्यांवाहा:या वसुन्धरा
४	सुवाहा:या वसुन्धरा
५	तःधगु गुइत:वहीया वसुन्धरा
६	चीधगु गुइत:वहीया वसुन्धरा
७	भिन्छेवाहा:या वसुन्धरा
८	ओकुवाहा:या वसुन्धरा
९	उवाहा:वहीया वसुन्धरा
१०	महाबौद्धया विद्याधरी
११	गुजिवाहा:, वसुन्धरा ननिया वसुन्धरा
१२	गुजिवाहा:या वसुन्धरा
१३	थैना, पालुवाहा:या वसुन्धरा
१४	तग:वाहा:या वसुन्धरा
१५	चुकवाहाया वसुन्धरा
१६	त:वाहाया वसुन्धरा
१७	त:लाछिया वसुन्धरा
१८	हौग:वाहा:या वसुन्धरा
१९	जोम्बाहा:, चिवाहा:ननिया वसुन्धरा
२०	जोम्बाहा:या वसुन्धरा

२२.	इकुवाहाः, कजिया आगद्यः	१
२३.	न्हायकवहीया वसुन्धरा	१
२४.	दौवाहाःया वसुन्धरा	१
२५.	भैरवकुट, नकिभ्याःया वसुन्धरा	१
२६.	हःखवाहाःया वसुन्धरा	१
२७.	हःखवाहाःया कुमारी	१
२८.	बुवाहाःया वसुन्धरा	२
२९.	बुवाहाः, हेंयचुकया वसुन्धरा	१
३०.	नःवाहाःया वसुन्धरा	२
३१.	तःधगु ख्वाय्वहीया वसुन्धरा	१
३२.	सिवाहाःया वसुन्धरा	१
३३.	पूचो क्वयूवहीया वसुन्धरा	१
३४.	पूचोया वज्रयागिनी	१
३५.	पूचो थयूवहीया वसुन्धरा	१
३६.	पूचोथूर फलेचाया वसुन्धरा	१
३७.	इतिल्हने दिलक्वया वसुन्धरा	१
३८.	आलको हितिया वसुन्धरा	१
३९.	इखाछेंया वसुन्धरा	१
४०.	क्वाःवाहाःया वसुन्धरा	२
४१.	क्वाःवाहाःया क्वाचपाल आजु	१
४२.	क्वाःवाहाःया प्रज्ञापारमिता	१
४३.	क्वाःवाहाःया अमोघपाश लोकेश्वर	१
४४.	धपगाःवहीया वसुन्धरा	१
४५.	कुलिम्बाहाःया वसुन्धरा	१
४६.	धुम्बाहाःया वसुन्धरा	१
४७.	च्यासःया वसुन्धरा	२

वसुन्धरा पूजा मूल समिति

न्याम्ह आजुपिं व सल्लाहकारवर्ग :

- १ थपा.आजु लेखराज वैद्य
- २ आजु ललितराज वैद्य
- ३ आजु लक्ष्मी बहादुर शाक्य
- ४ आजु छवि राज शाक्य
- ५ आजु माइला शाक्य

वसुन्धरा पूजा मूल समिति पदाधिकारी :

- | | | |
|------------------|----------------------|-----------|
| १। अध्यक्ष | सिद्धि बहादुर शाक्य | चिकबही |
| २। उपाध्यक्ष | बेखारत्न शाक्य | चिकबही |
| ३। उपाध्यक्ष | राजेन्द्र व्यञ्जनकार | च्यामः |
| ४। उपाध्यक्ष | बाबुरत्न अवाले | क्वय्लाछी |
| ५। सचिव | सुरेन्द्र शाक्य | चिकबही |
| ६। उप-सचिव | अमर शाक्य | चिकबही |
| ७। कोषाध्यक्ष | गौतम शाक्य | चिकबही |
| ८। उप-कोषाध्यक्ष | विजय बहादुर शाक्य | चिकबही |
| ९। सदस्य | लिलाराज शाक्य | चिकबही |
| १०। " | प्रेम शाक्य | नुगः |
| ११। " | प्रेम राज शाक्य | वानेश्वर |
| १२। " | देव बहादुर शाक्य | चिकबही |
| १३। " | नानी बाबु शाक्य | चिकबही |
| १४। " | भुवन राज शाक्य | भोलढोका |
| १५। " | सानु राज शाक्य | इखालखु |
| १६। " | नेम राज शाक्य | चिकबही |
| १७। " | सानु राजा शाक्य | चिकबही |
| १८। " | ज्ञानराज शाक्य | चिकबही |
| १९। " | जयाकर वैद्य | लगनखेल |
| २०। " | तुरङ्ग बहादुर शाक्य | चिकबही |
| २१। " | मोहनमान शाक्य | चिकबही |

२२	"	नेम राज शाक्य	चिकवही
२३	सदम्य	गजेन्द्र शाक्य	चिकवही
२४	"	पुष्य शाक्य	नुग
२५	"	मानकाजी शाक्य	ग्वाकॉ
२६	"	प्रेमराज वैद्य	बखुण्डोल
२७	"	ब्रमन्त शाक्य	चिकवही
२८	"	राजेश शाक्य	वानेश्वर
२९	"	मुनिल शाक्य	चिकवही
३०	"	ज्ञानेन्द्र शाक्य	चिकवही
३१	"	सन्तोष शाक्य	नुग
३२	"	गहेन्द्र मान शाक्य	चिकवही
३३	"	नविन शाक्य	चिकवही
३४	"	काजीलाल अवाले	भिन्दोलाछी
३५	"	आशाराम अवाले	क्यय्लाछी
३६	"	नारायण ब्यञ्जनकार	च्यासः
३७	"	कर्म अवाले	भिन्दोलाछी
३८	"	रमेश अवाले	भेलाछे
३९	"	नारायण अवाले	भेलाछे
४०	"	जीवन अवाले	च्वछे
४१	"	चेकराम अवाले	च्वछे
४२	"	शान्त मान शाक्य	ईवही
४३	"	रत्न मान शाक्य	ईवही
४४	"	आशाकाजी ब्यञ्जनकार	च्यासः
४५	"	मगलवीर ब्यञ्जनकार	च्यासः
४६	"	नारायण अवाले	भिन्दोलाछी
४७	"	श्याम कृष्ण महर्जन	गाःहिति
४८	"	आफुलाल अवाले	तुम्बहाः
४९	"	कान्छा महर्जन	गःछे
५०	"	चन्द्र महर्जन	गःछे
५१	"	ज्ञान बहादुर शाक्य	इलाननी

सन्दर्भ ग्रन्थ-सूची

१. उपाध्याय, जगन्नाथ (संकलन) : धी, आर्यश्रीवसुन्धरानामस्तोत्रम्, अंक ३, केन्द्रिय उच्च तिव्वती शिक्षा संस्थान, सारनाथ, वाराणसी, ई. सं. १९८७।
२. वज्राचार्य, सूर्यमान : वसुन्धरा, आकाश जोगिनीमाता, इखालखु, तःलाछें, यल, वि. सं. २०३७।
३. वज्राचार्य, हेराकाजी : यलया बौद्धविहार - संक्षिप्त परिचय, बौद्धविहार संघ, ललितपुर, अक्षयेश्वर महाविहार, पुल्चोक-३, ने. सं. १९२९।
: गुडतःया बहीविहारसंघ-छगू अध्ययन, दीपावती पुस्तकालय, गुडतः, यल, ने. सं. १९९९।
: नेपालको बौद्धधर्ममा वसुन्धरादेवी, बुद्धिराज वज्राचार्य, बुवहाल, ललितपुर, वि. सं. २०५८।
४. शाक्य, महेन्द्ररत्न : वसुन्धरादेवी छगू अध्ययन, लोटस रिसर्च सेन्टर, प्रयागपथ, ललितपुर-६, ने. सं. १९९४।
५. शाक्य, पं. हेमराज : स्वयम्भू महाचैत्य, स्वयम्भू विकास मण्डल, ये, ने. सं. १०९९।
६. सुचन्द्रावदान (हस्तलिखित) : राष्ट्रिय अभिलेखालयमा संग्रहित।
७. च्वमिया थःगु संग्रहस च्वंगु : वसुन्धरा व्रत विधान पुस्तकम् हस्तलिखित ग्रन्थ (थ्यासफू)।
८. Tiwari, Sudarshan : **Pattern of Settlements in the Kathmandu Valley in Ancient period**, Unpublished Ph.D. Thesis, T. U. Kathmandu, 1995.
९. Locke, John K. - : **Buddhist Monastries of Nepal**, Sahayogi Press Pvt. Ltd. Kathmandu, 1985



मंगलमय शुभ-कामना

अन्न, धन, रत्नदायिनी, बुद्धिपद्धिनी, विद्याप्रदायिनी,
 शून्यता स्वरूपिनीदेवी आर्यश्रीवसुन्धरादेवीया
 व्रत-पूजाया लक्षताय् सकलक्षित वसुपोलया
 सुवृश्ति लानाः न्यंकभनं सुख-शान्ति
 जुहमा धकाः मंगलमय शुभ-कामना
 व्यक्त याना चपना ।



वसुन्धरा पूजा मूल समिति
 सप्तपुर महाविहार
 चिकंबही, च्यासः त्वाः,
 यल ।



भैषज्यराज विहार



सुमंगल विहार

R100-2
3-3

अन्वेषकया प्रकाशित सफूत

१. यशोधर महाविहार संघ : छगू अध्ययन ।
२. नेवाः बौद्ध परम्पराया पूजाक्रियाय् छयलानालाः वयाच्चंगु हलन्वत् ।
३. बौद्ध न्ह्यसः लिसः ।
४. युवक बौद्ध मण्डल, नेपालया गतिविधि व बौद्ध न्ह्यसः लिसः (सम्पादन) ।
५. सम्बरोदय दशमी (दिशी) पूजाविधि पुस्तकम् (सम्पादन) ।
६. त्रि-समाधि पूजाविधि पुस्तकम् (सम्पादन) ।
७. गुरुमण्डलार्चन पूजाविधि पुस्तकम् (सम्पादन) ।
८. गुइतःया बहि विहार संघ : छगू अध्ययन ।
९. यलया बौद्ध विहार - सक्षिप्त परिचय ।
१०. सद्धर्म पाठ संग्रह (सम्पादन) ।
११. नेपालको बौद्धधर्ममा वसुन्धरादेवी ।
१२. आर्यग्रहमातृकानाम धारणी (सम्पादन) ।
१३. स्नानार्चन विधि पुस्तकम् ।
१४. सप्तपुर महाविहार व आर्यश्रीवसुन्धरादेवीया परिचय ।